

黃氏醫書八種
(十五)

長沙藥解卷三

昌邑黃元御坤載著

長沙徐樹銘校栞

黃耆

味甘氣平入足陽明胃手太陰肺經

入肺胃而補

氣走經絡而益營醫黃汗血痺之證療皮水風溼之疾慄節腫痛最效虛勞裏急更良善達皮腠專通肌表金匱黃耆芍

藥桂酒湯

黃耆五兩芍藥三兩桂枝三兩苦酒一升

治黃汗身腫發熱汗出而渴

汗沾衣色黃如檠汁脈自沈者以汗出入水水從竅入淫洩於經絡之間阻其衛氣壅而爲腫衛氣不行遏其營血鬱而爲熱脾爲己土肌肉司焉水氣浸淫肌肉滋溼營行經絡之中遏於溼土之內鬱熱薰蒸化而爲黃營秉肝氣而肝司五色入脾爲黃營熱蒸發衛不能閉則開其皮毛泄爲黃汗緣營血閉遏而木鬱風動行其疏泄之令也風熱消鑠津液耗

傷是以發渴木氣遏陷不得升達是以脈沈黃耆走皮毛而

行衛鬱桂枝走經絡而達營鬱芍藥苦酒泄營熱兩清風木

也桂枝加黃耆湯

桂枝三兩芍藥三兩甘草二兩大棗十二枚生薑三兩黃耆二兩

治黃汗

兩脛自冷腰腕弛痛如有物在皮中身疼重煩躁腰以上汗

出小便不利以水在經絡下注關節外阻衛陽而內遏營陰

營遏木陷溫氣淪鬱內熱不宜故兩脛自冷風木鬱勃經絡

鼓盪故腰腕弛痛如有物在皮中溼淫外束故疼重煩躁木

陷而鬱於溼土故小便不利風升而開其孔竅故腰上汗出

水穀未消中氣滿脹營愈鬱而熱愈發故食已則汗暮而衛

氣入陰爲營氣所阻不得內斂故外泄皮毛而爲盜汗營熱

鬱隆不爲汗減熱蒸血敗不能外華皮腠久而肌膚枯澀

至甲錯血肉腐潰必生惡瘡甘棗生薑補宣中氣芍藥泄營

熱而清風木桂枝達營氣之鬱黃者行衛氣之鬱助以蒸粥

而發微汗經熱自隨汗泄也黃者桂枝五物湯

黃者三兩芍藥枝三兩

三兩生薑六兩大棗十二

治血痺身體不仁狀如風痺脈尺寸關上俱微

尺中小緊以疲勞汗出氣蒸血沸之時安卧而被微風皮毛

束閉營血凝澀衛氣鬱遏漸生麻痺營衛阻梗不能煦濡肌

肉久而枯槁無知遂以不仁營衛不行經絡無氣故尺寸關

上俱微營遏木陷鬱動水內而不能上達故尺中小緊大棗

芍藥滋營血而清風木薑桂黃耆宣營衛而行瘀澀倍生薑

者通經而開痺也

肝脾左旋癸水溫升而化血肺胃右降

丁火清降而化氣血司於肝其在經絡則曰營氣司於肺其

在經絡則曰衛營行脈中爲衛之根衛行脈外爲營之葉營

衛周行一日五十度陰陽相貫如環無端其流溢之氣內澀

臟腑外濡腠裏營衛者氣血之精華者也二十二難脈有是動有所生病是動者氣也所生病者血也氣主煦之血主濡之氣留而不行者氣先病也血滯而不濡者血後病也血陰而氣陽陰靜而陽動陰則內守陽則外散靜則不關動則不闔而衛反降斂以其清涼而含陰魄營反溫升以其溫暖而抱陽魂也衛本動也有陰以闔之則動者化而爲降斂營本靜也有陽以關之則靜者變而爲升發然則血之溫暖氣煦之也營之流行衛運之也是以氣有所動則血病生焉氣治而後血寒衛梗而後營瘀欲調血病必益血中之溫氣欲調營病必理營外之衛陽衛氣者逆則不斂陷則不發鬱則不運阻則不通是營血受病之原也黃者清虛和暢專走經絡而益衛氣逆者斂之陷者發之鬱者運之阻者通之是變理

衛氣之要藥亦即調和營血之上品輔以薑桂芍藥之類奏功甚捷餘藥不及也五行之氣涼則收而寒則藏氣之清涼而收斂者秉金氣也黃耆入肺胃而益衛氣佐以辛溫則能發輔以酸涼則善斂故能發表而出汗亦能斂表而止汗小兒痘病衛為營閉不得外泄衛旺則發衛衰則陷陷而不發者最宜參耆助衛陽以發之凡一切瘡瘍總忌內陷悉宜黃耆蜜炙用生用微涼清表斂汗宜之

薯蕷 味甘氣平入足陽明胃手太陰肺經 養戊土而行

降攝補辛金而司收斂善息風燥專止疏泄金匱薯蕷丸

三十分 麥冬六分 桔梗五分 杏仁六分 當歸十分 阿膠七分
乾地黄十分 芍藥六分 芎藭六分 桂枝十分 大棗百枚 烏梅
人參七分 茯苓五分 白朮六分 甘草二十分 神麋十分 乾薑
三分 柴胡五分 白薇二分 豆黃卷十分 防風六分 蜜九彈子
大空腹酒 治虛勞諸不足風氣百疾以虛勞之病率在厥陰
服一丸

風木一經厥陰風木泄而不斂百病皆生肺主降斂薯蕷斂肺而保精麥冬清金而甯神桔梗杏仁破壅而降逆此所以助辛金之收斂也肝主升發歸膠滋肝而養血地芍潤木而清風芎藭桂枝疏鬱而升陷此所以輔乙木之生發也升降金木職在中氣大棗補己土之精人參補戊土之氣蒼朮甘草培土而泄淫神麴乾薑消滯而驅寒此所以理中而運升降之樞也賊傷中氣是惟木邪柴胡白芍泄火而疏甲木黃卷防風燥淫而達乙木木靜而風息則虛勞百病瘳矣陰陽之要陽密乃固陰平陽秘精神乃治陰陽離決精神乃絕

語

四時之氣木火司乎生長金水司乎收藏人于秋冬之時

而行收藏之政寶嗇精神以秘陽根是謂聖人下此於蟄藏之期偏多損失坎陽不密木鬱風生木火行疏泄之令金水

無封閉之機于是驚悸吐衄崩帶淋遺之病種種皆起是以
虛勞之證非一無不成于乙木之不謐始于辛金之失斂究
之總緣于土敗蓋坎中之陽諸陽之根坎陽走泄久而癸水
寒增己土溼旺脾不能升而胃不能降此木陷金逆所出來
也法當溫燥中脘左達乙木而右斂辛金薯蕷之性善入肺
胃而斂精神輔以調養土木之品實虛勞百病之良藥也

五味子 味酸微苦鹹氣瀉入手太陰肺經 斂辛金而止

欬收庚金而住泄善收脫陷最下衝逆傷寒小青龍湯

方在麻黃

治太陽傷寒心下有水氣乾嘔發熱而欬用五味乾薑細辛

斂肺降逆以止欬噦小柴胡湯

方在柴胡

治少陽傷寒若欬者去

人參大棗生薑加五味乾薑真武湯

方在茯苓

治少陰病內有水

氣腹滿下利若欬者加五味半斤細辛乾薑各一兩四逆散

方在甘草治少陰病四逆欬者加五味乾薑各五分竝主下利金

匱厚樸麻黃湯方在厚樸射干麻黃湯方在射干並用之以治欬小

青龍湯治痰飲欬逆飲去欬止氣從小腹上衝胸咽者以桂

苓五味甘草湯治其氣衝欬嗽衝逆者辛金之不斂也泄利

滑溏者庚金之不斂也五味酸收瀉固善斂金氣降辛金之

上衝而止欬逆升庚金之下脫而止滑泄一物而三善備焉

金收則水藏水藏則陽秘陽秘則上清而下溫精固而神甯

是亦虛勞之要藥也

訶黎勒 味酸微苦氣瀝入手陽明大腸手太陰肺經 收

庚金而住泄斂辛金而止欬破壅滿而下衝逆疏鬱塞而收

脫陷金匱訶黎勒散訶黎勒十枚爲散湯飲和頓服治氣利以肝脾鬱陷二

氣凝塞木鬱風動疏泄失藏而爲下利利則氣阻而痛澀是

爲氣利訶黎勒行結滯而收滑脫也陽陷而爲利者清氣滯
塞而不收也肺逆而爲欬者濁氣壅塞而不斂也訶黎勒苦
善泄而酸善納苦以破其壅滯使上無所格而下無所礙
以益其收斂使逆者自降而陷者自升是以欬利俱止也其
治胸滿心痛氣喘痰阻者皆破壅降逆之力其治崩中帶下
便血墮胎者皆疏鬱升陷之功也

白前 味甘辛入手太陰肺經 降衝逆而止嗽破壅塞而

清痰金匱澤漆湯

方在澤漆

用之治脈沈之欬是緣水氣之裏衝

非由風邪之外閉澤漆治其水氣白前降衝逆而驅痰飲也

白前善降胸脇逆氣心肺凝痰嗽喘衝阻呼吸壅塞之證
得之清道立通濁痰悉下宜于補中之劑並用乃効

細辛 味辛氣溫入手太陰肺足少陰腎經 降衝逆而止欬

驅寒溼而蕩濁最清氣道兼通水源傷寒小青龍湯方在治

太陽傷寒心下有水氣乾嘔發熱而欬用細辛乾薑五味降

逆斂肺以止欬嗽金匱以治痰飲欬逆倚息飲去欬止氣從

小腹上衝胸咽用桂苓五味甘草治其氣衝衝氣既低而反

更欬胸滿者用桂苓五味甘草去桂加乾薑細辛方在治其

欬滿傷寒真武湯方在治少陰病內有水氣腹痛下利若欬

者加五味半斤細辛乾薑各一兩是皆小青龍之法也金匱

厚樸麻黃湯方在射干麻黃湯方在皆用之以治欬而下寒

者麻黃附子細辛湯方在麻辛附子湯方在大黃附子湯方在

大黃赤丸方在烏梅丸方在皆用之以治寒氣之衝逆也防己

黃耆湯方在治風溼脈浮身重氣衝者加桂枝三分下有陳

寒者加細辛三分風木衝逆則用桂枝寒水衝逆則用細辛

此治衝逆之良法也。肺以下行爲順，上行則逆，逆則氣道壅阻而生欬嗽。欬嗽之證，由于肺金不降，收氣失政，刑于相火，其間非無上熱，而其所以不降者，全因土溼而胃逆，戊土既溼，癸水必寒，水寒土溼，中氣不運，此肺金欬逆之原也。當火炎肺熱之時，而推其原本，非緣寒氣衝逆，則由土溼堙塞，因而水飲停痰者，十居七八。然則上熱者欬嗽之標，水飲溼寒者欬嗽之本也。外感之欬，人知風寒傷其皮毛而不知水飲溼寒實傷其臟腑，蓋濁陰充塞，中氣不運，肺金下達之路既梗而孔竅又闔，裏氣愈阻，肺無泄竅，是以宗氣壅迫，衝逆而爲欬。若使裏氣豁通，則皮膚雖閉而內降有路，不至于此也。細辛溫燥開通，利肺胃之壅阻，驅水飲而逐溼寒，潤大腸而行小便，善降衝逆，專止欬嗽，其諸主治收眼淚利鼻壅去

口臭除齒痛通經脈皆其行鬱破結下衝降逆之力也

射干 味苦微寒入手太陰肺經 利咽喉而開閉塞下衝

逆而止欬嗽最清胸膈善掃痰濁金匱射干麻黃湯

射干十枚紫

苑三兩欬冬三兩五味半斤細辛三兩半治欬而上氣喉中

如水雞聲以風寒外閉皮毛不泄肺氣鬱迫逆而上行喉竅

窄狹泄之不及以致呼吸閉塞聲如水雞射干紫苑欬冬五

味細辛生薑半夏下衝逆而破壅塞大棗補其裏麻黃泄其

表也氣通于肺內司呼吸而外主皮毛皮毛雖閉而內有下

行之路不至堵塞如是是其平日土溼胃逆濁氣升隔肺之

降路不甚清通一被外感皮毛束閉裏氣愈阻內不能降而

外不能泄是以逆行而上衝塞于咽喉此卽傷風齁喘之證

當飲食未消之際水穀氣脹滿故呼吸閉塞迫急非

常也不降裏陰則胸膈莫容不泄表寒則經絡終鬱射干降逆開結善利肺氣麻黃外散其風寒使經絡鬆暢則裏氣不迫射干內降其衝逆使咽喉清虛則表氣不壅表邪外解而裏陰下達停痰宿水積溼凝寒皆從水道注泄而下根株斬滅矣其諸主治通喉痺開胸滿止咽痛平腹脹泄肺火潤腸燥行積痰化瘀血下經閉消結核破癥瘕除瘰癧母鼈甲煎丸方在鼈甲用之以也下衝破結是其長也

紫苑 味苦辛入手少陰經 降氣逆而止欬平息賁而

止喘金匱射干麻黃湯方在射干用之治欬而上氣以其清肺而

降逆也 紫苑清金潤肺止欬定喘而兼善斂血勞嗽吐血

之證因于肺逆而不斂肺氣清降則血自斂矣其他主治開

喉痺通小便定喘促破息賁止吐血住便血療肺癰行膿血

長少陰經 紫苑 味苦辛入手少陰經 降氣逆而止欬平息賁而止喘金匱射干麻黃湯方在射干用之治欬而上氣以其清肺而降逆也 紫苑清金潤肺止欬定喘而兼善斂血勞嗽吐血之證因于肺逆而不斂肺氣清降則血自斂矣其他主治開喉痺通小便定喘促破息賁止吐血住便血療肺癰行膿血

皆清金降逆之力也

款冬花 味辛氣溫入手太陰肺經 降衝逆而止嗽喘開

痺塞而利咽喉金匱射干麻黃湯方在射干用之治款而上氣喉

中如水雞聲以其開痺而止喘也 款冬降逆破壅寧嗽止

喘疏利咽喉洗滌心肺而兼長潤燥肺逆則氣滯而津凝故

生煩躁肺氣清降濁瘀蕩掃津液化生煩燥自止其他主治

除肺癰膿血去痰涕膠粘開咽喉喘阻潤胸膈煩燥皆去濁

還清之力也

杏仁 味甘苦入手太陰肺經 降衝逆而開痺塞泄壅阻

而平喘嗽消皮腠之浮腫潤肺腸之枯燥最利胸膈兼通經

絡金匱茯苓杏仁甘草湯茯苓三兩杏仁五兩甘草一兩治胸中痺塞短

氣以土溼胃逆濁氣衝塞肺無降路是以短氣茯苓泄溼而

消滿杏仁破壅而降逆甘草補中而培土也薯蕷丸

方在薯蕷文

蛤湯

方在蛤文

厚樸麻黃湯

方在厚樸

皆用之以降逆也傷寒麻黃湯

方在麻黃治太陽傷寒惡風無汗而喘者麻黃甘石湯

方在麻黃

治太

陽傷寒汗下後汗出而喘者桂枝加厚樸杏子湯

方在厚樸

治太

陽中風下後表未解而微喘者小青龍湯

方在麻黃

治太陽傷寒

心下有水氣若喘者去麻黃加杏仁半升皆用之以治喘也

苓甘五味薑辛半夏加杏仁湯

茯苓四兩甘草三兩五味半升乾薑三兩細辛三兩半夏

半升杏仁半升治支飲嘔冒飲去嘔止其人形腫者以經氣壅滯則

為腫杏仁利氣而消滯也麻杏薤甘湯

方在麻黃

用之以泄表氣

之滯礬石丸

方在礬石

大陷胸丸

方在麻黃

用之以泄裏氣之滯也麻

仁丸

方在麻仁

大黃廔蟲丸

方在麻仁

用之以潤燥也

肺主藏氣降

于胸膈而行于經絡氣逆則胸膈閉阻而生喘欬藏病而不

能降因以痞塞經病而不能行于是腫痛杏仁疏利開通破
壅降逆善于開痺而止喘消腫而潤燥調理氣分之鬱無以
易此其諸主治欬逆療失音止咯血斷血崩殺蟲蠱除瘡
刺開耳聾去目翳平努肉消停食潤大腸通小便種種功效
皆其降濁消鬱之能事也

薤白·味辛氣溫入手太陰肺手陽明大腸經 開胸痺而

降逆除後重而升陷最消痞痛善止滑泄金匱苦薤薤白白

酒湯苦薤薤白半夏湯二方在苦薤枳實薤白桂枝湯方在枳實並用

之治胸痺心痛以其破壅而降逆也傷寒四逆散方在甘草治少

陰病四逆泄利下重者加薤白三升以其行滯而升陷也

肺病則逆濁氣不降故胸膈痺塞腸病則陷清氣不升故肛

門重墜薤白辛溫通暢善散壅滯辛金不至上壅故痺者下